

252

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/15), Vlada Bosansko-podrinjskog kantona Goražde, na 82. redovnoj sjednici, održanoj dana 12.03.2021.g., **d o n o s i:**

O D L U K U
O DOPUNI ODLUKE O REGISTRU
ZAPOSLENIH U JAVNOM SEKTORU
NA PODRUČJU BOSANSKO-
PODRINJSKOG KANTONA
GORAŽDE

Član 1.
(Dopuna člana 1.)

U Odluci o Registru zaposlenih u javnom sektoru na području Bosansko-podrinjskog kantona Goražde („Službene novine Bosansko-podrinjskog kantona Goražde“, br. 13/19) u članu 1. dodaju se novi stavovi (4), (5) i (6), koji glase:

„(4) Općine na teritoriji Bosansko-podrinjskog kantona Goražde i Grad Goražde mogu pristupiti ovoj Odluci, radi uspostave transparentog, centralizovanog, kvalitetnog i učinkovitog sistema upravljanja ljudskim potencijalima u javnoj službi općina na teritoriji Bosansko-podrinjskog kantona Goražde, Grada Goražda i Bosansko-podrinjskog kantona Goražde.

(5) Pristupanje iz stava (4) ovog člana vrši se donošenjem odluke od strane načelnika, odnosno gradonačelnika, koja sadrži izričito ovlaštenje Ministarstvu za pravosuđe, upravu i radne odnose Bosansko-podrinjskog

kantona Goražde i Tijelu za sprečavanje i borbu protiv korupcije Vlade Bosansko-podrinjskog kantona Goražde za obradu podataka koji su predmet ove Odluke, i dostavljanjem iste Ministarstvu za pravosuđe, upravu i radne odnose.

(6) Preporučuje se poslanicima u Skupštini Bosansko-podrinjskog kantona Goražde i vijećnicima u Gradskom i općinskim vijećima sa područja Bosansko-podrinjskog kantona Goražde, koji profesionalno obavljaju svoju dužnost i/ili ostvaruju primanja po osnovu obnašanja poslaničke ili vijećničke funkcije, da daju pismenu saglasnost Ministarstvu za pravosuđe, upravu i radne odnose Bosansko-podrinjskog kantona Goražde i Tijelu za sprečavanje i borbu protiv korupcije Vlade Bosansko-podrinjskog kantona Goražde za obradu i objavljivanje njihovih ličnih podataka u skladu sa ovom Odlukom.“

Član 2.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Bosansko-podrinjskog kantona Goražde“.

Broj:03-30-453/21
 12.03.2021.godine
 G o r a ž d e

P R E M I J E R
Aida Obuća,s.r.

253

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/15) i člana 66. stav 3. Poslovnika o radu Vlade Bosansko-podrinjskog kanto-